



UKA 2013/58  
19. november 2013  
Harald Bianco

**Ineriartormikkut akorngutillit ingerlaqqinnissaminnut ilinniartinneqartarnerisa, oqittunik suliffeqartarnerisa aamma taamaaqatiminnik najugaqarfinni najugaqartarnerisa siunissami qanoq pitsanngorsarneqarsinnaanerit pillugu apeqquteqaat allaavigalugu oqallinnissamik siunnersuut.**

(Inatsisartunut ilasortaq Agathe Fontain, Inuit Ataqatigiit)

Inuit Ataqatigiini anguniakkatta pingaarnarpaat ilagivaat ilinniartitaaneq, aamma innuttaaqativut ineriartormikkut akornutillit iliniarnissamikkut periarfissaqarnissaat ilanngullugit. Uani sammisami pineqartut ajorluartumik nunatsinni iliniarnissaminnut anertunerusumik periarfissaqanngillat.

Siunnersuuteqartup taakkartugaisa ilagivaat, DK-mi Ålborg kommunip aqqissuussinertut ittut misissortariaqartut isumassarsiorfigalugillu. Inuit Ataqatigiinit isumaqarpugut suulluunniit siunertap pilersinniarnerani isumassarsiorfigalugillu ikorfartuutaasinnaasut sakkussatut atorluarniartariaqarivut.

Pineqartumut tunngatillugu inuit pineqartut ingerlariaqqinnissaat pingaaruteqaqimmat, aallaqqaammut illut pioreersut atunngitsut atorluarnissaat isumaqarpugut isumassatsialaasoq. Tassami pilersinniagaq aningaasatigut naleqartussaammat tamanaa pisariaqarpoq. Siunnersuuteqartoq isumatusaartutut oqaatigisariaqarpoq, allaammi pineqartut iliniareerlutik sullilnissaat anguneqassappat, illoqarfimminnut uterminni inissaannik isumannaariffigineqarnissaat aamma eqqartormagu. Inuit Ataqatigiinnit isumaqarpugut, nammineq initaanersaq assut pineqartunut pingaaruteqartoq. Taakkumi aamma nammineersinnaalernermikkut imminnut tatiginerulerlutillu nuannaarnerulerannik tamanna kingunertussaammat. Taamaammat tamanna aamma aallaqqaataaniit eqarsaatigineqartariaqartutut Inuit Ataqatigiinit isigaarput.

Siunnersuut Naalackersuisut anguniagaannut tulluuppoq, taamaalilluni aallartisarnissaq matumatigut aallartaarnerusinnaanera aqutissiuunneqartutut oqaatigisariaqarpoq, assut tapersersornartoq.